

Bo'lim boshlig'i:

## vakant

**Qabul vaqtি:** Seshanba – Payshanba (14:00-16:00)

**Telefon:**

**E-mail:**

**Bo'lim nomi:** Professional ta'lif muassasalari, akademik litsey va filiallar bilan ishlash boshqarmasi

**Bo'lim faoliyati haqida ma'lumot:** O'quv ishlari bo'yicha filiallar bilan ishlash bo'limi boshlig'i universitet rektori buyrug'i bilan tayinlanadi va bevosita o'quv ishlari prorektoriga bo'ysunadi.

Toshkent axborot texnologiyalari universitetining Nukus, Urganch, Qarshi, Samarcand va Farg'ona filiallari O'zbekiston Respublikasi Prezidentining 2005 yil 2 iyundagi PQ-91 son "Axborot texnologiyalari sohasida kadrlar tayyorlash tizimini takomillashtirish to'g'risida"gi Qarori, O'zbekiston Respublikasi Oliy va O'rta maxsus ta'lif vazirligining 2005 yil 14 iyundagi 130-son "Oliy ta'lif muassasalari filiallari to'g'risidagi namunaviy Nizomni tasdiqlash to'g'risida"gi buyrug'i hamda O'zbekiston aloqa va axborotlashtirish agentligining 2005 yil 21 iyul 07-8/2015-son taqdimnomasini amalga oshirish maqsadida 2005 yil 23 iyuldan mintaqaviy filiallar sifatida tashkil etilgan. Bo'lim hududiy filiallarda o'quv jarayonining O'zbekiston Respublikasi Oliy va O'rta maxsus ta'lif vazirligi hamda universitet tomonidan ishlab chiqilgan O'zbekiston uzlusiz ta'limining Davlat ta'lif standartlari, Oliy ta'lifning Davlat ta'lif standartlari asosida tashkil etish, o'quv-me'yoriy hujjatlar bilan ta'minlash, o'quv ishlari hamda o'quv-uslubiy, ilmiy-uslubiy faoliyatni rivojlantirish, o'quv jarayoniga yangi axborot va pedagogik, zamonaviy ta'lif texnologiyalarini joriy etish, o'quv jarayoni samaradorligini oshirish, moddiy-texnik bazasini mustahkamlash bo'yicha takliflarni ishlab chiqish, o'quv jarayonini Ta'lif to'g'risidagi qonunlarga muvofiqligini nazorat qilish bo'yicha amalga oshiriladigan ishlarni muvofiqlashtiradi.

### **Bo'lim vazifasi:**

- hududiy filiallarda o'quv jarayoni tashkil etilishini Oliy ta'lifning davlat ta'lif standartlariga, Oliy va o'rta maxsus ta'lif vazirligi hamda O'zbekiston Respublikasi Axborot texnologiyalari va kommunikatsiyalarini rivojlantirish vazirligining o'quv jarayoni bo'yicha o'rnatilgan talablari va normativ xujjatlariga mosligini ta'minlash, o'quv-me'yoriy hujjatlar bilan ta'minlash, filiallarning yangi o'quv yiliga tayyorgarlik ishlarni muvofiqlashtirish;
- universitet va turdosh oliy ta'lif muassasalarining aloqa va axborotlashtirish sohasiga doir ishlab chiqilgan yangi ta'lif texnologiyalariga asoslangan zamonaviy axborot va pedagogik texnologiyalarni hududiy filiallarning o'quv jarayoniga tadbiq etish;
- universitet va uning hududiy filiallari o'rtasida o'quv ishlari, o'quv-uslubiy, ilmiy-uslubiy, ilmiy-tadqiqot ishlarni takomillashtirish hamda o'zaro tajriba almashishlarni rivojlantirish;
- hududiy filiallarning o'quv jarayoni samaradorligini oshirish va moddiy-texnik bazasini mustahkamlash bo'yicha takliflarni ishlab chiqish.

### **NIZOM**

#### I. Umumiy qoidalar

1.1. Professional ta'lif muassasalari, akademik litsey va filiallar bilan ishlash boshqarmasi (keyingi o'rnlarda – Professional ta'lif boshqarmasi) universitetning tarkibiy tuzilmasiga kiradi va o'quv yillariga tasdiqlangan tashkiliy tuzilmasiga muvofiq Professional ta'lif muassasalari, akademik litsey va filiallar bo'yicha prorektorga bo'ysunadi.

1.2. Professional ta'lif boshqarmasi 2020 yil 23 sentyabrdagi "Ta'lif to'g'risida"gi O'RQ-637-son qonuni, O'zbekiston Respublikasi Prezidentining 2005 yil 2 iyundagi "Axborot texnologiyalari sohasida kadrlar tayyorlash tizimini takomillashtirish to'g'risida"gi PQ-91-son qarori, 2013 yil 26 martdagi "Axborot kommunikatsiya texnologiyalari sohasida kadrlar tayyorlash tizimini yanada takomillashtirish chora-tadbirlari to'g'risida"gi PQ-1942-son qarori, 2017 yil 15 martda "Toshkent axborot texnologiyalari universitetining faoliyatini yanada takomillashtirish chora-tadbirlari to'g'risida"gi PQ-2834-son qarori, 2016 yil 09 sentabrdagi "Professional ta'lif tizimini yanada takomillashtirishga doir qo'shimcha chora-tadbirlar to'g'risida" O'zbekiston Respublikasi prezidentining PF-5812 Farmoni Vazirlar Mahkamasining 2018 yil 24 iyulda "Muhammad al-Xorazmiy nomidagi Toshkent axborot texnologiyalari universitetida kadrlar tayyorlash tizimini tubdan takomillashtirish va samaradorligini oshirish chora-tadbirlari to'g'risida"gi 569-son qarori, 2021 yil 07 maydag'i "Axborot-kommunikatsiya texnologiyalari sohasida kadrlar tayyorlash tizimini yanada takomillashtirish chora-tadbirlari to'g'risida"gi 288-son qarori asosida o'z faoliyatini yuritadi.

1.3. Professional ta'lif boshqarmasini Rektor buyrug'iga asosan ishga qabul qilingan boshqarma boshlig'i boshqaradi.

1.4. Professional ta'lif boshqarmasi tarkibiga tasdiqlangan shtat jadvaliga muvofiq Professional ta'lif boshqarmasi boshlig'i va Professional ta'lif boshqarmasi, bosh mutaxassis yetakchi mutaxassis va uslubchisi lavozimlari kiradi.

1.5. Professional ta'lif boshqarmasi boshlig'i va uning tarkibidagi lavozimlar Rektor tomonidan alohida tasdiqlangan lavozim yo'riqnomalari asosida ish olib boradi.II. Professional ta'lif boshqarmasini asosiy vazifalari

2.1. Professional ta'lif boshqarmasining asosiy vazifalari quydagilar hisoblanadi:

- universitetning hududiy filiallari akademik litsey va texnikumlarmda ta'lif jarayonini ilg'or ilm-fan yutuqlari asosida takomillashtirish, universitet tuzilmalarini davlat ta'lif standartlari, yangilangan malaka talablari va asosiy o'quv-me'yoriy hujjatlari bilan ta'minlash;
- universitet hududiy filiallarida, akademik litsey va texnikumlarda o'quv jarayonini tashkil etilishini muvofiqlashtirish;
- universitet hududiy filiallar akademik litsey va texnikumlarning o'quv, o'quv-uslubiy ishlarini muvofiqlashtirish;
- hududiy filiallar, akademik litsey va texnikumlarda o'quv jarayonini boshqarishdagi me'yoriy-uslubiy hujjatlarni doimiy takomillashtirish;
- universitet hududiy filiallar, akademik litsey va texnikumlarda ta'lif jarayonini zamon talablari asosida takomillashtirish va rivojlantirish bo'yicha universitet rahbariyatiga va Kengashiga tavsiyalar kiritish;
- universitet, shuningdek filiallar fakul'tetlari, kafedralari va tuzilmalarining xamda akademik litsey va texnikumlarning o'quv ishlarda erishgan ilg'or yutuqlarini umumlashtirish va barcha filiallarning ta'lif jarayoniga tadbiq qilish;
- hududiy filiallarda akademik litsey va texnikumlarda talabalar bilimini nazorat qilish va baholashning reyting tizimi to'g'risida yangi nizomni amaliyatga tadbiq etish;
- hududiy filiallar, akademik litsey va texnikumlarda professor-o'qituvchilarning malaka oshirish rejasini shakllantirish va amalga oshirilishini muvofiqlashtirish;
- filiallar akademik litsey va texnikumlar professor-o'qituvchilari va talabalarining davomatini tahlil etish, o'quv intizomiga rioya qilishini monitoringini amalga oshiri;
- filiallarning akademik litsey va texnikumlarning kafedra va dekanatlarda asosiy ish hujjatlarini yuritilishini muvofiqlashtirish;
- filiallar, akademik litsey va texnikumlarning faoliyatini o'rganish;
- o'quv-me'yoriy hujjatlarni takomillashtirish yuzasidan universitet "O'quv-uslubiy boshqarma"sigi takliflar kiritish;
- filiallar, akademik litsey va texnikumlarning universitet bilan fakul'tetlararo va kafedralararo hamkorligini amalga oshirilishini tashkil qilish;

- filiallarning o'zlariga biriktirilgan axborot texnologiyalari yo'nalishidagi texnikumlar, ixtisoslashtirilgan IT-maktablar, akademik litseylar va kollejlar bilan hamkorlik faoliyatini muvofiqlashtirish;

2.2. Professional ta'lif boshqarmasi o'z faoliyatini universitetning Professional ta'lif muassasalari, akademik litsey va filiallar bo'yicha prorektori tomonidan tasdiqlangan yillik rejaga muvofiq amalga oshiradi.

### III. Professional ta'lif boshqarmasini tashkiliy tuzilmasi

3.1. Professional ta'lif boshqarmasida: 1 nafar boshqarma boshlig'i 2 nafar bosh mutaxassis 2 nafar yetakchi mutaxassis va 2 nafar uslubchi faoliyat yuritadi. Professional ta'lif boshqarmasi barcha xodimlari boshqarma boshlig'isha bo'ysungan holda lavozim yo'riqnomalariga binoan taqsimlangan vazifalarni bajaradilar.

3.2. Professional ta'lif boshqarmasining xodimlarning soni u amalga oshiridigan vazifalarning murakkabligi va hajmiga ko'ra universitet Rektori tomonidan, O'zbekiston Respublikasi Moliya vazirligi hamda Oliy va o'rta maxsus ta'lif vazirliklari tomonidan tasdiqlangan xodimlarning umumiy soni doirasida belgilanadi.

3.3. Professional ta'lif boshqarmasining o'z yo'nalishiga tegishli faoliyat yuzasidan fakultet dekanlari, kafedra mudirlari, boshqarma va bo'lim boshliqlari, markaz rahbarlari bilan hamkorlik qilishi mumkin.

3.4. Professional ta'lif boshqarmasining samarali faoliyat olib borishi uchun universitet rahbariyati tomonidan quyidagi tegishli sharoitlar yaratiladi:

- ish kabineti, kabinet va ish jihozlari;

- kompyuter majmuasi, orgtexnika, ichki va tashqi telefon aloqalari;

3.5. Professional ta'lif boshqarmasining asosiy vazifalari va tashkiliy tuzilmasini o'zgarishi universitet Kengashi qarori asosida Rektor buyrug'i bilan amalga oshiriladi. IV. Professional ta'lif boshqarmasining javobgarligi

#### 4.1. Professional ta'lif boshqarmasi quyidagilarga javobgardir:

- mazkur Nizomda belgilangan vazifa va funktsiyalarni bajarilishiga;

- universitetda belgilangan mehnatni muhofaza qilish va havfsizlik texnikasi qoidalariga hamda yong'inga qarshi xavfsizlik choralariga rioya qilinishiga;

- universitetning Ichki tartib-qoidalariga va ijro intizomiga ryoja etilishiga;

- o'quv yili uchun kafedralar tomonidan ishlab chiqilgan va tasdiqlangan ishchi o'quv rejalarini filialarga yuborilishiga hamda filiallardagi o'quv mashg'ulotlar dars jadvallarining ishchi o'quv rejalariga mosligiga;

- filiallar, akademik litsey va texnikumlar bo'yicha professor-o'qituvchilarni malaka oshirish rejasini ishlab chiqilishini muvofiqlashtirishga;

- universitet filiallar akademik litsey va texnikumlar bo'yicha statistik ma'lumotlarni to'plab, rahbariyat bilan kelishgan holda o'rnatilgan tartibda yuqori tashkilotlarga hisobot berilishiga;

- yakuniy Davlat attestatsiyasi, BMI, magistrlik dissertatsiya himoyalarini o'tkazish jadvallarining bajarilishini nazorat qilinishiga;

- filiallar, akademik litsey va texnikumlar bo'yicha talabalar davomatini tekshirish, darslar olib borilishini monitoringini olib borilishiga.